



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-129/24  
Sarajevo, 24.01.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 35. sjednici održanoj dana 24.01.2024. godine, primilo je k znanju

Informaciju o realizaciji projekta sanacije zacijevljenog dijela Bistričkog potoka.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

**Adresa:** Hamdije Kreševljakovića 3

71 000 Sarajevo

**Tel.:** +387 33 216 659

**Fax:** +387 33 205 874

**Email:** [gsgv@sarajevo.ba](mailto:gsgv@sarajevo.ba)

**Web:** [gradskovijece.sarajevo.ba](http://gradskovijece.sarajevo.ba)





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

*Informacija*  
*o realizaciji projekta sanacije zacijevljenog dijela Bistričkog potoka*

*Sarajevo, januar 2024. godine*

**Adresa:** Hamdije Kreševljakovića 3  
71 000 Sarajevo  
**Tel.:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Grad Sarajevo je, u okviru svoje zakonske nadležnosti nad upravljanjem i održavanjem uređenih vodotoka II kategorije na svom području, u 2023. godini planirao završiti sanaciju zacijevljenog dijela Bistričkog potoka. Naime, u 2022. godini započeta je i završena I faza sanacije, a nastavkom realizacije II i III faze okončala bi se sanacija zacijevljenog dijela potoka, uzvodno sve do ulazne građevine. Radovi podrazumijevaju sanaciju oštećenih dijelova dna i zidova, te kaskada kojih u gornjem dijelu potoka zbog velikog pada ima u većem broju i koje su oštećene erodivnim djelovanjem vode i nanosa pri obilnijim padavinama, kao i sanaciju ulazne građevine.

Grad Sarajevo je kandidovao predmetni projekat za sufinansiranje iz sredstava vodnih naknada Ministarstva privrede Kantona Sarajevo u 2023. godini, kao jedan od prioriternih projekata iz oblasti vodoprivrede, po pozivu tog Ministarstva broj: 07-05-21-49535/22 od 09.01.2023. godine, kojim je tražena dostava prioriternih projekata iz oblasti vodoprivrede za 2023. godinu. Aktom Grada Sarajeva broj: 01/09-21-343-1/23 od 10.02.2023. godine za projekat „Obnova i rekonstrukcija Bistričkog potoka“ tražena su sredstva od 300.000,00 KM, a Ministarstvo privrede odobrilo je sredstva u iznosu od 288.416,38 KM, te je dana 14.06.2023. godine zaključen tripartitni Sporazum o sufinansiranju projekata, od strane Ministarstva privrede Kantona Sarajevo, Zavoda za izgradnju Kantona Sarajevo i Grada Sarajeva.

Prema odredbama Sporazuma Grad Sarajevo je zadužen da:

- a) pribavi sva odobrenja i saglasnosti za izvođenje radova i riješi sve imovinsko-pravne odnose na lokacijama izvođenja radova,
- b) provede proceduru i izvrši izbor najpovoljnijeg izvođača radova u skladu sa Zakonom o javnim nabavkama („Službeni glasnik Bosne i Hercegovine“, br. 39/14 i 59/22) i sa istim zaključi ugovor o izvođenju radova predviđenih projektom,
- c) po okončanju procedure javne nabavke, Ministarstvu dostavi po jedan primjerak odluke o izboru najpovoljnijeg ponuđača i ugovora zaključenog sa izvođačem radova,
- d) imenuje stručno lice iz reda uposlenika Grada, čiji je zadatak koordinacija aktivnosti koje se odnose na realizaciju projekta, i to sa izvođačem radova, nadzornim organom i Ministarstvom. Projektantska vrijednost radova I i II faze prema Glavnom projektu sanacije Bistričkog potoka iznosila je 287.498,00 KM sa PDV-om, što je 245.299,80 bez uračunatog PDV-a, na dan 07.06.2023. godine.

Prema odredbama Sporazuma, stručni nadzor nad realizacijom projekta vrši Zavod za izgradnju Kantona Sarajevo.

S obzirom da je Gradska služba za urbano planiranje, investicijske, stambene i komunalne poslove pribavila odobrenje za građenje i ostala potrebna odobrenja, odmah nakon zaključenja citiranog Sporazuma, kojim su obezbjeđena sredstva za sufinansiranje predmetnog projekta, pokrenula je aktivnosti na pripremi provođenja javne nabavke radova sanacije zacijevljenog dijela Bistričkog potoka za II i III fazu, u skladu sa odredbama Zakona o javnim nabavkama („Službeni glasnik Bosne i Hercegovine“, br. 39/14 i 59/22). U prethodnom postupku izvršena je provjera tržišta u skladu sa odredbom člana 14a. Zakona o javnim nabavkama kojom je propisano da prije pokretanja postupka ugovorni organ provodi provjeru tržišta u svrhu pripreme nabavke i informiranja privrednih subjekata o svojim planovima i zahtjevima u vezi s nabavkom, pri čemu je poziv za dostavljanje informativne ponude upućen na tri adrese potencijalnih ponuđača, registrovanih za djelatnost koja je predmet nabavke, i to: „BOSMAN“ d.o.o. Sarajevo, „MIBRAL“ d.o.o. Sarajevo i „ORMAN“ d.o.o. Kiseljak. U ostavljenom roku informativnu ponudu dostavilo je privredno društvo „MIBRAL“ d.o.o. Sarajevo i ista je iznosila 331.981,55 bez PDV-a, odnosno 388.418,41 KM sa PDV-om.

Budući da je iznos po informativnoj ponudi bio nešto veći od projektantskog predračuna radova, predloženo je da se pokrene javna nabavka radova putem otvorenog postupka javne nabavke sa procijenjenom vrijednosti nabavke od 306.000,00 KM (bez PDV-a) ili 358.000,00 KM (sa PDV-om), odnosno uvećano za cca 20% u odnosu na projektantski predračun, a shodno raspoloživim sredstvima za ovu namjenu, tim prije što se radi o otvorenom postupku javne nabavke i što je predviđena e-aukcija nakon otvaranja ponuda, gdje se pretpostavlja postizanje niže cijene u odnosu na ponude koje budu dostavljene.

Obavještenje o nabavci objavljeno je na portalu javnih nabavki dana 07.07.2023. godine. Rok za dostavu ponuda bio je 28.07.2023. godine, a isti dan je bilo planirano i otvaranje ponuda. Međutim, do ostavljenog roka nijedna ponuda nije dostavljena, iako je sa portala javnih nabavki više pravnih lica preuzelo tendersku dokumentaciju. Iz navedenog razloga, kako to nalažu odredbe Zakona o javnim nabavkama, predmetni postupak javne nabavke poništen je dana 01.08.2023. godine.

Budući da je prema zaključenom Sporazumu sredstva trebalo realizovati do kraja godine, a imajući u vidu vrijeme potrebno za provođenje javne nabavke, ugovaranje i izvođenje radova, odlučeno je da se ponovi isti postupak javne nabavke, te je pokrenuta procedura za ponavljanje otvorenog postupka javne nabavke radova, sa istom procijenjenom vrijednosti nabavke, jer se nabavka može pokrenuti samo na osnovu obezbijeđenih sredstva. Obavještenje o nabavci objavljeno je dana 01.09.2023. godine, a rok za dostavu ponuda i otvaranje ponuda određeno je za 22.09.2023. godine. Međutim, niti u ponovljenom postupku nije zaprimljena nijedna ponuda u određenom krajnjem roku. Shodno tome, u skladu sa odredbama Zakona o javnim nabavkama, valjalo je donijeti odluku o poništenju postupka javne nabavke, što je i učinjeno objavljivanjem obavještenja o poništenju javne nabavke dana 10.10.2023. godine.

Ovdje je bitno naglasiti da se u ponovljenom postupku provjere tržišta ispostavilo da tržišna vrijednost radova II i III faze iznosi preko 510.000,00 KM, tačnije dostavljena je informativna ponuda od strane privrednog društva „BOSMAN“ d.o.o. Sarajevo u iznosu od 436.324,46 KM bez PDV-a, odnosno 510.499,62 KM sa PDV-om, iz čega je vidljivo da informativna ponuda znatno premašuje sredstva koja su bila na raspolaganju, te značajno premašuje projektantski predračun radova, i to za cca 76%. Budući da se nisu mogla obezbijediti dodatna sredstva za predmetni projekat, iz tog razloga nije bilo ponovne nabavke radova do kraja 2023. godine, pri čemu su u Budžetu Grada Sarajeva za 2023. godinu za navedeni projekat bila planirana sredstva u iznosu od 70.000,00 KM.

Imajući u vidu značaj realizacije ovog projekta zbog stepena evidentiranih oštećenja, projekat sanacije zacijevljenog dijela Bistričkog potoka je kandidovan kao jedan od prioriteta prema Ministarstvu privrede Kantona Sarajevo za sufinansiranje u 2024. godini sa traženim iznosom od 500.000,00 KM. Navedena sredstva, uz sredstva Budžeta Grada Sarajeva za 2024. godinu, trebala bi biti dostatna za uspješnu realizaciju predmetnih radova i okončanje projekta.

Ukoliko budu odobrena tražena sredstva iz Budžeta Kantona Sarajevo, planirano je da se u 2024. godini, nakon što bude zaključen Sporazum o sufinansiranju projekta sa Ministarstvom privrede Kantona Sarajevo i Zavodom za izgradnju Kantona Sarajevo, provede postupak javne nabavke radova i ugovori izvođenja radova, dok bi stručni nadzor po istom sporazumu vršio Zavod za izgradnju Kantona Sarajevo. Za ovu namjenu u Budžetu Grada za 2024. godinu planiran je iznos od 50.000,00 KM, koji uključuje i troškove tehničkog pregleda po okončanju sanacionih radova.